



Учительская плюс

Областная еженедельная общественная информационно-образовательная газета



ЖІГІТ СҰЛТАНЫ

Қостанай қалалық білім бөлімінің ұйытқы болуымен балалар шығармашылық үйінде дәстүрлі «Жігіт сұлтаны» байқауы өтті. Шығармашылық пен ерік-жігердің тартысына облыс орталығындағы барлық орта мектептердің 9-11 сынып оқушылары қатысып, бақ сынады.

12 бем



ЛЮБИТЬ И РАДОВАТЬСЯ ВМЕСТЕ

Настоящим подарком к 8 Марта для Елены Венгерской стало сообщение из Новосибирска: директор образовательного центра «Ақ ерке» получила золотую и серебряную медали по итогам международного заочного конкурса «Надежда планеты».

стр. 13

Болашақ мамандық: оқу мен өндірістің байланысы

Мемлекет басшысы Н.Ә. Назарбаевтың Қазақстан халқына Жолдауында: «Орта мектептердің өзінде балаларды мейлінше сұранысқа ие мамандықтарға бейімдеп, кәсіби диагностика жүргізу маңызды», – делінген. Осы орайда, Арқалық политехникалық колледжінде өндірістік оқыту шеберлері жетекшілігімен білім алушылардың таңдаған мамандықтарына сай, сабақтан тыс үйірмелер жұмыс істейді.

Өткен жыл жағымды жаңалығымен есте қалды. Атап өтер болсам, «Электргаз бен дәнекерлеу» мамандығы бойынша өндірістік оқыту шебері Е.Қ. Калиевтің жетекшілігімен ГЭС-34 тобының білім алушысы Серікболсын Сайлау «Электрленген мангал» жобасымен Қостанай қаласында өткен облыстық электрленген бұйымдар сайысында жүлделі орынға ие болған еді. Ал бүгінде заманауи «Жылжымалы жылыту пеші» жобасын жасауды қолға алып отыр. Өндірістік оқыту шебері А.Ж. Жапарғалиева тігін шеберханаларымен бірігіп, іс-тәжірибе өтетін мекемелермен тығыз байланыста жұмыс жасау арқылы шәкірті А.Бакировамен «WorldSkills» Қостанай облыстық сайысында жүлделі орынға ие болды. Ол Арқалық политехникалық колледжінің «Жыл адамы» номинациясының жеңімпазы.

Колледжімізде өндірістік оқыту шеберлері әр бағытта жұмыс

істейді. Мәселен, Н.А. Қалжанов «Өздігінен тоқ күшін өндіретін қозғалтқыш», Б.Ө. Тойшыбеков «Электромобиль макеті», С.Г. Жунусов «Жел электр станциясының жобасы», Д.Торғайбайұлы «Заманауи ауылшаруашылығы техникаларының макеті», Т.М. Ахмет пен Д.Х. Бекеева «Арнайы қобдиша» (ішінде оператор ЭЕМ мамандығының бұйымдары шоғырланған), Ғ.Х. Алекешов «Бәйтерек» монументінің жобасы, М.Ж. Ельясова мен М.Т. Исмагулова «Шашқа тағатын әшекей бұйымдар» үлгілерін жасап шығарумен айналысады. Ал С.С. Хасенова және И.Е. Еденова «Аспаз мамандығына байланысты заманауи бұйымдар» жасау, Қ.Е. Смагулов, Т.Т. Искаков «Заманауи ғимараттар жобасы», С.Ж. Абдрахманова «Колледж ғимаратының макеті, макетке альтернативті энергия көзін қосу» жобасымен айналысуда.

Сабақтан тыс үйірме жұмыстарының басты мақсаты – білім алушылардың таңдаған мамандығына деген қызығушылығын, біліктілігін арттыру және ой-өрісін дамыту. Үйірмеге жүйелі түрде қатысатын білім алушылардың оқу үлгерімі артып, себепсіз оқудан қалмайтын болды. Ең бастысы, таңдаған мамандығына деген қызығушылықтарының артқаны байқалады. Сол себепті, бұл бастаманың болашақ мамандарды дайындауда берері мол дер едім.

Б.Б. ТУРГАЕВ,
Арқалық политехникалық колледжінің аға шебері